

古今圖書集成

中華書局影印

第一六七冊

方輿彙編

職方典

肇慶府部

高州府部

(卷)

二四一—二五

二五—二六

欽定古今圖書集成方輿彙編職方典

第一千三百四十五卷目錄

肇慶府部彙考三

肇慶府山川考三

職方典第一千三百四十五卷

肇慶府部彙考三

肇慶府山川考三

廣寧縣

府志

福星山 在縣北五十步園秀如覆釜城跨其

上一邑之奇觀也

夾山 在縣北四十里太平都兩山峽峙懷集

水從中出旁山連延多竹木

圓嶺山 在縣北五十里縣治發脈之處高三

百餘丈橫互十五里有九十九坑出笋坑坑相

似若失道必三日然後出

銀坑坪山 在縣東北六十里昔為賊巢頗險

今平

烏坭坑山 在縣東北八十里頗險逕通清遠

梅峒山 在縣東北一百里徭賊舊穴今為樂

土

葵峒山 在縣東北一百里多居民

花山 在縣西北八十里昔為賊險今設官營



赤坑山 在縣西北一百里路過懷集從古梗

化今皆招為良民

石燕山 在縣東一百二十里大岡都高百餘

丈周十餘里巖巖窟穴秋燕多蟄其中大洞有

石鍾石佛

龍岡 在縣東一百二十里自大羅山而西蜿

蜒數十里

潭口山 在龍岡南十餘里又南為小潭口

樂安山 在縣西三里太平都高八十八丈周二

十餘里舊志訛為落鞍山相傳有青衣人乘白

馬出山俄墜地人馬俱失因名亦峒賊失險之

兆也存之

烏石山 在縣西三十里扶溪上周十餘里

高望山 在縣西五十里橄欖都林木蒼秀洞

泉澄澈絕頂一望諸山皆在其下昔有人登此

未及半忽晦暝不能進乃由他路而歸

三宿山 在縣西七十里橄欖都高百餘丈週

三十里上有三峯如列宿一名三足山相傳昔

有蘇姓入山仙去

森峒山 在縣西一百里山森秀多林木舊徭

數也

磨峒山 在縣西一百里舊為徭居今平

潭岡山 在縣東南六十里連山險峻至此稍

平初建縣治於下

春水山 在縣東南六十里春水所自出上多

材木

獅子山 在縣西三里太平都上有巖登望奇

經

三台山 在縣西三里太平都經三峯鼎峙為邑

案山

石澗山 在縣西三十里橄欖都高百丈周十

里泉自寶出旱則涸數里雨則注相傳寶穴

中有巨鯉游泳數日必前人以為驗有石澗官

埠陸路入縣

顧水 在縣北四十里源出清遠縣過雷鄉百

餘里至顧水口入綏江

扶溪水 在縣東十里源出清遠縣羅山岡西

流數十里受梅峒葵峒諸水遠縣南流又數十

里扶雷村諸水從西北來至縣南注之又數十

里至扶溪巡司入綏江

綏江水 在縣西四十里源出廣西懷集百餘

里入縣受縣諸水注於四會

烏龍潭 在縣西四十里多魚味甚美宋學士

李積中詩烏龍潭下鮮魚鮮白馬山頭苦笋羹

新招水 在縣西五十里發源高望山流數十

里經舊新招縣址入綏江

清涼池 在縣西五十里曲水村水槽嶺

羅源水 在縣東南一百三十里源出清遠縣

大羅山羅源村之東北西南流十餘里石港潭

水注之入於四會為龍江合於綏江

程村水 在縣西南一百里源出高要界山東

流數十里至程村水口入綏江

石澗水 在縣南三十里發源石澗山南流五

里西入於綏江餘見石澗山舊志稱東流入綏

江者誤

春水 在縣南六十里發源春山西流三十

餘里經春水村至洛口入綏江

開平縣

疊書山 在縣東七里黎峒村前傳有劉三妹

於此成仙樵者每聞歌聲

游魚山 在縣東十五里山形似魚臨水

梁金山 在縣東三十里道人梁金修煉於此

馬鞍山 在縣東三十五里

北獵山 在縣南二里形如旗幟綿亙三十里

內有船坑米坑船坑有三石門三小湖

百足山 在縣南三十里下有二三山如龜西接

蜆岡

護冲山 在縣南四十里

石井山 在縣南五十里

獨鶴山 在縣西四十里高二百餘仞峯頂有

鶴飛來

雲宿山 在縣北三十五里高百仞周一百四

十里常有雲氣暮之

雙飛蝴蝶山 在縣東南十里新塘村

羊額馬嘴山 在縣東南十五里與游魚山對

峙千里結聚為縣之捍門水口

獅子山 在縣東北二十里以形象得名

薛公巖 在縣東北二十五里與駱駝山相接

一名寶光巖又名寂感巖石室天成深一丈餘

有泉如乳可以避亂

紙山 在縣東北五十里

金山巖 在縣西北一名西巖上有飛瀑如練

盤石可坐數十人九日於此登高

馬頭岡 在縣西南十五里下有神壇

羅漢山 在縣西南三十里有五尖峯上有天

池長流不竭

水坪海 在縣北四十里發源皂幕與雙橋水

合

雙橋水 在縣南四十五里南流至老虎尾與

麗村水合流至縣東門入海

合水嘴 在縣東南半里雙橋長靜二水至此

合流

長潭 在縣東南自合水東流至此為潭深數

丈中有魚龍異物

十三里為川海十四里為大灣三十里為交羅

海 俱在縣東南與下廟水合流

長沙海 在縣東南三十五里自交羅沿流而

東水勢益壯達於水口

梁邊海 在縣東南四十里自長沙至此直達

新會崖門觀止矣

水口 在縣東南四十五里發源皂幕歷梁金

之東南與長沙合

潭江 在縣東南六十里再進即為崖門

清水塘 在縣東五里納諸溪之水清深無際

八丫塘 在縣西二十五里出諸山之麓周十

餘里流分八丫深不可測

獨鶴水 在縣西四十里源出官陂亦名左步

蜆岡水 在縣南四十五里自大步東流過海

心

黃泥潭 在縣南七十里與蜆岡之水會於赤

水口

德慶州

香山 在州北二里高二百餘丈週四十餘里

為州之圭山昔多香木因名方輿勝覽云一名

利人山出五色石其巔有佛跡跡長尺許具趾

肉紋旁刻元祐諸賢姓名有漱玉泉玉橋乾明

寺浮香亭豁然環翠庵覽秀樓東嶽行祠松

關亭嘉靖癸卯知州吳汝汝更新之丙午州同

錢萱復修俱廢戊申知州余鉉重建覽秀樓與

通判劉用章買田贍僧守之隆慶六年知州楊

士中重修植松夾道近日修葺更勝

登高岡 在州北二里即侍郎岡州人九日於

此登眺

高良山 在州北七十里金林鄉高百餘丈週

五十里山下田高土肥而上產鐵力木

蘿山 在州東北五里金林鄉高百餘丈週三

十里峰巒鬱秀方輿勝覽云有草如蘿香

青雲岡 在州東北五里高百五十丈周二十

餘里亦名臥人岡

植山 在州東北五十里形鋒而秀其上曾產

植梨因名

寶嶺 在州東北八十里悅城鄉高三百餘丈

週三十里兩山壁立中通一徑如竇

焦石山 在州東北一百餘里悅誠鄉高三百

餘丈周五十里蒼翠盤鬱舊志山產焦石鄉人

琢以爲器

雙鶴嶺 在州東北悅城都高六百餘丈周八十里高要入德慶北鄉必經之路崎嶇險峻行者備登陟之苦上下嶺防虎及盜

佛子嶺 在州西北二十里金林鄉山勢嵯峨路通封川縣界旁有佛堂因名

茗山 在州東十五里高百餘丈週二十里產茶

樵雲山 在州東二十里高二百餘丈週三十餘里山高而秀形勢盤鬱下有瓊響泉昔州人李質築室讀書於山之陽扁曰樵雲因以名山

文筆山 在州東二十五里高二百餘丈週四十餘里其峰卓然如筆

端山 在州東五十里高三百三十丈周三十里其形端正方輿勝覽云山上有果實名冬榮子大如杯炙而食之味如豬肉俗呼膏子者是也吳錄曰端溪有端山山有五石石上多香木

西源山 在州東六十里高六百丈周三十里跨西源富豪二里之地一峰高出雲表頂有池四時不竭其下有溪分爲二派東派出西源西派出富豪合流出於江即思夫水也

三洲巖 在州東七十里取蓬萊第三洲之義一名玉乳巖巖皆蒼綠色石室自成觀音佛像石鐘土鼓擊之有聲有丹龜硯池仙羊窩石柱傳昔改更修其於此宋周敦頤嘗遊蘇軾有題及李綱書玉乳巖三大字巖畔舊有濂溪書院

後有穴可登其頂頂上有居人數家天造石門宛然仙境也洞石有憫忠詩

勞山 在州東八十五里悅城鄉高百餘丈週三十餘里形勢峭拔登者難之故名

杉嶺 在州西十五里高百餘丈週百餘里路通蒼梧縣產杉木

峽山 在州西二十里高一丈週九十里南北岸對峙甚隘江水中流春夏多雨則水峻急舟不能行

黎嶺 在州西四十里金林鄉又名禮嶺高二百丈週三百里高峻產黎竹

錦石山 在州西五十里高一丈餘丈上有石柱直插雲漢方輿勝覽云漢大中大夫陸賈說南越時設錦步帳而登俗呼爲錦裏石一說陸賈許錦酬山靈及說南越王稱臣植花代錦石有仙人橋舊有陸大祠又有延福寺萬曆丙子大征羅旁以此石爲搖寇禱祠梯石夷其頂鑄華表石三字

障嶺 在縣西七十里以形名

考嘉靖成化二志德慶有筆架山大力山雞骨嶺計都山今已析隸西寧縣有甘山青旗山息嶺龍巖九星巖甘通巖羅漢巖今析隸東安縣其龍水一縣山川盡改爲羅定州俱不載通志

龍潭 在州東北七十里金林鄉遇旱禱之有應

端溪水 在州東一十里源出金林鄉經太平

橋入於錦水形勢百折近於端山故名

麻墟水 在州東二十里源出封川縣經金林鄉入於大江舊志作馬墟水

書堂水 在州西四十里源出嵒山南流五十里入於大江水濱舊有宋進士石處道書堂故名

夫號水 在州西五十里金林鄉南流五十里經夫號村入於大江相傳昔有行役久不歸其妻思之因哭而死後夫歸未及家十里聞妻死亦號泣而絕鄉人呼其村及水曰夫號云

思夫水 在州東六十里源出西源里經思夫村入於江可通小艇

靈陵水 在州東九十里一名溫水源出廣寧縣流百餘里經悅城鄉入於大江可通舟楫水口有孝通廟即龍母廟也對岸東安界有青旗山林木蒼茂人不致伐出三角鹿

陸溪水 在州西五十里源出佛子嶺東流三十里入於江水口舊有陸賈廟故名

武賴水 在州西七十里源出封川縣界南流三十里經武賴村入於江

榕塘水 在州西南三十里源出封川縣界南流五十里入於江

大江 在州南一里即西江也一名錦水一統志云德慶有鼎石之神在江中隨波出沒即赤松子煉丹處

雙清井 在州治內東西庭中

澄清井 在城西百餘步

元妙井 在城東一百七十步

仁壽井 在城東三里仁壽坊

玉泉 在香山飛流清淺可愛達於城壕

瓊響泉 在樵雲山下清流漱石若鳴珂然

白石泉 在州之西龍母廟前

封川縣

登高山 在縣北二百步高三十餘丈週里許

山形突兀上有景星寺歲九日官屬於此登高

宋嘉熙年間知州黃克寬構亭其上舊有花藥

圃

牛頭嶺 在縣北三里與登高山並峙中有峽

白石岡 在縣北六里形如蓮花上多白石下

有逕曰蓮花逕

劉王岡 在縣北九里有劉謙劉隱墓

續嶺 在縣北二十里文德鄉續而復起宛委

綿互七十里巖崖競麗雜嶺爭奇孕翠含煙蔥

蒨入畫

三丫逕 在縣北二十里梁村

猿嶺 在縣北三十里高三十餘丈週四十餘

里平岡漫坡或起或伏上多林木猿狖所居有

猿嶺逕

萬家石 在縣北五十里三石週迴九里

鑼鼓岡 在縣北七十里文德鄉形如龜背週

四十里相傳夜嘗有鑼鼓聲今設巡檢司

龍石山 在縣北七十里歸仁鄉上多石膏

麒麟山 在縣北八十里歸仁鄉高三百丈週

一百五十里秀出天表形若麒麟縣之鎮山也

上有麒麟寺今廢下有唐狀元莫宣卿讀書處及祠堂

荔枝巖 在縣北九十里文德鄉一水中流有

潭其深莫測砂石光瑩如冰玉

雲巖 在縣北九十里文德鄉客三百人居民

有寇避此泉自石出晝夜混混石牀磴道殆若

天造旁有雲巖寺

雷連山 在縣北一百三十里文德鄉重巒疊

嶺行無底止奇石古藤茂林修竹曲調靈巖宛

然一仙境也舊志作連山誤今依邑志

三峯 在縣北一百三十里文德鄉鼎立聳拔

上多奇石巉巖

螺髻山 在縣北一百三十里舊志作羅計今

依邑志在文德鄉石門峽暗中明敞可容數百

人一夫當逕萬夫莫前石乳凝結瑰奇不可名

狀諸巖之冠也

封門山 在縣東北二十里縣人首山也峯巒

秀蔚兩崖如門縣取封山錦川合以爲名

靈鼠石 在縣東北二十里相傳仙鼠所依鄉

人祀之歲不害稼

相思山 在縣東北二十五里德寧鄉羣峯連

屬下有大逕長六七里兩山夾峭一水中流極

其清冽

石門嶺 在縣東北二十五里平城村

梨園逕 在縣東北三十里德寧鄉思寮村

嵐岡山 在縣東北三十里德寧鄉上有古佛

寺廢址祈雨輒應

存塘逕 在縣東北四十里德寧鄉長二十餘里林木蔭翳寒氣襲人

雙髻山 在縣東北四十里德寧鄉社村俗名

雙頭

班石 在縣東北四十里歸仁鄉五色錯雜如

虎大者高數十丈次高數丈

豐壽山 在縣東北五十里德寧鄉寶宇記高

一百三十餘丈週五十里一名霹靂山相傳山

有巨石雷震其一因名上有龍窩佛殿石池泉

湧其中遇旱汲其水禱即雨山自白馬東分以

此爲大

紋水嶺 在縣東北五十里德寧鄉蒲塘村豐

壽山之南

羅克逕 在縣東北五十里德寧鄉霹靂山之

西北通歸仁鄉

太子山 在縣東北六十里德寧鄉平地突起

尖竦插漢

石狗山 在縣東北六十里德寧鄉嶺有大石

廣十餘丈

甲子山 在縣東北七十里德寧鄉官塘村連

麒麟山

烏漆逕 在縣東北七十里德寧鄉長二三里

崇岡疊嶂起伏盤曲氣象蕭森盛暑如秋

檀逕 在縣東北七十里喬木森叢內多沐猴

一呼聚者數百

白馬山 在縣東北一百里歸仁鄉與麒麟山

對峙周五十里有石如馬飛泉注如練正德

間種巢其上參議周用副使王大用勸平之改名白鶴

老鴉運 在縣東北一百里歸仁鄉深山大箐天日罕觀

大團山 在縣東北一里西廂光孝寺後宋儒學故址存焉

東山 一名掛榜山在縣治東五十丈延袤三里許形如屏古有封川學宋於山下建三舍學今俱廢

紗帽嶺 在縣東一百里與東山對峙

先鋒嶺 在縣東四里高拔諸峯

仙鳳山 在縣東十里以形似得名

圓珠山 在縣東二十里坊場鄉挾田村

鳳凰山 在縣東四十里坊場鄉上多鶴膝竹

鷄籠山 在縣西三十里其脈廣遠左連廣西右襟西寧

分界村 在縣西三十里有大榕樹廣東廣西各植一株相去不數步候其榮瘁以卜衰旺

白沙嶺 在縣東南三里一名天馬山拱抱縣治西江匯其下建太乙文塔其上

綠衣嶺 在縣東南五里與紗帽先鋒白沙嶺相連稍北爲羅客山

濯錦山 在縣東南五十里即錦石山也
西山 在縣西南十里即錦錢山在隔江高五十丈周五里峰巒峭拔旁石坂丈餘有巨人跡歲旱以水濯之則雨

會龍山 在縣南二里層峯疊秀縣之案山也

聖石 在縣南十五里修泰鄉吉義村青山上有仙跡歲旱鄉人引水澆其跡輒雨山下有祠

扶靈水 在縣北一百里文德鄉合流連水至臨口村入於賀江

廣信河 在縣北一百里源出老鴉運至文德鄉魚牢村入於扶靈水

孔生水 在縣北一百二十里宋季有三孔家宦寓子孫世居於此因名外有孔旁水口流入賀江始建孔生鋪

靈潭 在縣北一百二十里文德鄉草村孔生水之西相傳有龍居焉旱禱之輒應

東安水 在縣西北二十里源出蒼梧縣東安鄉至三家口入於江

谷墟水 在縣東十三里源出麒麟山經德寧坊場二鄉至小口村入西江舊志名豐溪通志作風溪源出豐壽山非也

顯山江 在縣東一百里德寧鄉滑泥村源出東北諸嶺入谷墟水

龍蓬灘 在縣東一百里水中有米升石水乾石見則年豐

賀江 在縣西十里一名豐溪源出廣西富川縣靈亭鄉桃武巖南流合賀縣水東流合橘江

古令金鏤東安扶靈諸水至靈洲入於西江劉隱之誅亂民蘇章之敗楚兵潘崇微之屯賀江皆此水也

靈洲 在縣西十里賀江水口廣一里長五里

水環匝之上多蘆葦鳧鷖所棲春夏泛溢洲常不沒與水浮沉因以靈名宋知州田開詩海上荔枝莊即此知州方維有靈洲漁唱詩

蟠龍水 在縣東南十里源出蒼梧縣留竹山經修泰鄉南流數里入於江其水宛轉如龍之蟠弘治七年鄉民堤其下流爲塘

新婦磧 在縣東南十里蟠龍水口形如笄因名

鴉頭石 在縣東南十里蟠龍水俗呼丫頭石

西江水 在縣南五十餘步自蒼梧七十里至靈洲合賀水環城西十餘里稍南復東經德慶高要入南海有潮汐春夏潦漲湍急無可見秋

冬每日早暮潮高三尺次則一二尺

蟠龍井 在東山之下泉水甘美一統志謂有龍潛其下古儒學在此取伏龍之義

景星井 在登高山下宋時鑿泉出清冽

育賢井 在舊學西常溢而清

泮林井 在舊學東四時不竭

麟山井 在麟山驛右澄湛不涸味甘且冷

躍龍井 在遵化門外東塘西畔

樊山井 在縣南門內明正德八年知縣樊立鑿萬曆十年知縣周日暹砌以磚石

錦衣井 在城西脚下知縣周日暹募鑿觀壩井 在城西廟元妙觀下
東嶽井 在光孝寺左
清泉古井 在露靈村
舊志封山川僅及今之半以封爲古州治疆域

頗廣考方尚祖所輯邑志甚詳不敢略也方尚祖曰昔人云天下諸山本於崑崙封何所本五嶺而西爲桂陽又西數百里南轉爲雷連山即閩邑諸山之宗也自雷連抽爲白鶴支分而三東爲歸仁鄉之豐壽封門又東而至坊場鄉有仙人村心鳳凰濯錦諸山西爲文德鄉之南龍鑼鼓螺髻荔枝雲巖諸山中爲白鶴正脈南出而結爲麒麟過嶺嶺又南出而爲飛鳳爲登高爲縣治此北條山之本末也又一派自西江以南卽縣之朝山來脈從蒼梧入修泰鄉地亦分三支列於坤位者有如覆釜蛾眉然布於異方者有若龍蟠羅帶然其立離位者曰會龍儼若貴人端拱縣治此南條山之本末也若水則夾山而行左有巖山河龍蓬灘之流至穀墟而歸於江蓄而灌溉則有蓬漏流色冬涼瓦現高龍諸陂右有廣信河屬魚牢扶靈諸水而入賀江潯而灌溉則有林麓巖口玉葉水聲陶家花鹿諸陂南有蟠龍水其源來自蒼梧納諸溪注大江而灌溉卽渡口塘蟠龍塘也此流之小者其大曰鬱水源出夜郎曰灘水源出零陵曰賀水源出萌渚合於治之西繞於城之南爲錦江東會豐溪又東折以宗於海此水之源流也蓋茂林峻嶺長江巨壑涵負深厚映帶曠逸毓秀偉阜財用寧獨擅一邑之奇觀扼西嶺之險阻哉開建縣

鴈山 在縣北十里形勢頗平有如鴈行爲縣後山

潭霜山 在縣北三十里錦衣鄉潭霜水自懷集流經其側

水瀉山 在縣北四十里錦衣鄉三都柯木逕 白蓮峒山 俱在縣北四十里錦衣鄉四都

古令山 在縣北五十里錦衣鄉古令村巡司在焉

黃沙嶺 在縣北五十里

忠讓山 在縣東北五十里高二百餘丈周八十里舊志產人讓直因名莫宜卿其一也

萬石嶺 在縣東北六十里錦衣鄉三都石室 在縣東北六十里萬山巍峩中有石如粵房者七高丈餘又有如庭軒者二高數丈光朗開寂

圓珠山 在縣西北五十里高一百五十丈週二十餘里其形如珠縣內各山惟圓珠忠讓二山爲衆山之望

似龍山 在縣東十五里高一百二十丈週四十餘里其形蜿蜒如龍

野壩山 水石巖 俱在縣東二十五里峯巒森立水環其下中有巖穴暗者必乘燭而入曲折奇怪穴中流水莫知其源

大水山 在縣東三十里山下有洞其源深廣故名

羊梯山 在縣東三十里爲牛羊徑道有石磴若梯然

昭埔山 在縣東二十里旁有三穴皆能容人

大玉山 在縣西三十五里高一百三十餘丈周三十餘里青碧如玉

小玉山 在縣西三十五里大玉山之旁高八十餘丈週十五里其勢突兀以發脈自大玉故名

黎水山 在縣東南二十里高三十餘丈週三十餘里兩山對峙流水中出

狼嶺 在縣東南二十里週七十里形勢險惡上多豺狼有逕通封川縣

水母塘 在縣北五里廣十畝有奇源出鴈山南流五里入塘又自塘鑿渠以灌城壕

潭霜水 在縣北二十里源出懷集縣深山中至萬石入開建界三十里至潭霜合諸水西流入開江

金塘水 在縣東北三十里源出金塘村諸山西南流入於潭霜水

忠讓水 在縣東北五十里出忠讓山西流入潭霜水

盧村水 在縣東北七十里出東北近界山西流入潭霜水

梁村水 在縣東北一百里源出懷集梁村西南流入開建至萬石合潭霜水

蓮塘水 在縣西北五十里源出圓珠山東南流四十里經蓮塘村入開江

似龍水 在縣東十里源出似龍山西流合金縷水

金縷水 在縣東十五里卽龍吟水也以經金

縷村得名唐狀元莫宣卿讀書堂在此水聲清響鄉人呼爲龍吟會諸水於縣東南入開江

昭壩水 在縣東二十里源出昭壩山西流合

金縷水

野壩水 在縣東二十五里源出野壩山西流

合金縷水

金裝水 在縣東三十里源出大玉山西流經

金裝村合潭霜水入開江

羊梯水 在縣東三十里源出羊梯山南流六

里入金裝水

開江 在縣西五十步源出廣西富川縣南流

經賀縣又二百里入開建合潭霜蓮塘金裝金

縷諸水流百里入封川界爲封江

小玉水 在縣西二十里源出小玉山南流二

十餘里入開江

大玉水 在縣西三十里源出大玉山南流三

十里入開江

黎水 在縣東南二十里源出黎水山西流十

餘里入開江

狼嶺水 在縣東南二十里源出狼嶺西流合

黎水

狀元井 在錦衣鄉三都其水清甘冬夏常溢

世傳唐狀元莫宣卿所鑿

醴泉 在開江鄉一都似龍山下烏石之旁昔

有醴泉出焉俗呼爲酒泉

府志未載山川

虎眼岡 寶查都等鄉之鎮山高數十仞迴里許諸小山由麓下發脈逶迤而出爲諸鄉盤結凡數十折媚媚可愛

飛泉洞 在鼎湖山東北四里高十餘仞如萬

斛明珠天花亂墜上有方石廣丈餘可坐二十

人泉飛日曬如虹下有鷹打潭病熱飲水多愈

天旱祈雨常應邑人陳一龍建蓮庵於石頂以

奉大士鄉人陳金建伽藍偕樂二堂陳茂承建

永日亭陳學書建聚仙亭此山諸境幽清林木

蔚鬱亦端州一名勝也

四會縣志

大甫山 在縣北五十里

烏龍潭 在縣西二百里多產鮮魚一名嘉魚

其味甚佳宋學士李積中詩云烏龍潭下鮮魚

鮮白馬山前苦笋羹

新興縣志

寶峯山 在縣北一十里有寶峯庵寺其下

居民雖割隸東安山猶屬境內

車岡 在縣北二十里爲通邑下關水口鄉官

賴廷正募緣建庵

崖樓山 在縣西北三十里聳峻壁立上有飛

崖勢若樓臺狀在芙蓉都雖割去東安山南猶

屬新興

烏石山 在縣東一里一石孤立獨當道旁兵

憲冒起宗刻題特秀二字有詩邑人李濟九建

李庵於石右

馬猴嶺 在縣東五十里界枕高明廣澤深林爲寇盜出沒宜防

布辰嶺 在縣東四十里路過高明險要

黑石 在縣東南一十六里社墟河旁有寺其

側即岱山寺自天露山移來者又旁有老鼠石

有鐫字其上

羅傘頂 在縣東南十里圓覆如張蓋然

象窩頂 在縣東南三十里密洞村之後爲一

方之險要

大塘坳 在縣東南四十里雙石頂旁爲一方

險要

象山 在縣西二里邑貢生黃允宗建庵

獅山 在縣西二里

鷄公腦 在縣西寧化都一十五里

桐山 在縣西寧化都十五里高百丈明天啓

六年邑貢生梁州岳建寺知縣張復普題曰小

西天

黎洞山 在縣西寧化都二十五里有般若庵

邑人梁亨泰建

仙座山 在縣西三十里有白花庵貢生吳開

東建

石羊山 在縣西寧化都天塘外洞離城八十

里其龍脈自天塘跌伏至此頓起大山羣峯突

屹爲新興陽春恩平開平高明新寧新會南海

順德香山數縣之祖頂上有魚塘一口四時不涸立廟祀神名曰石羊郡主每遇大旱求之則

應

郎岡山 在縣西寧化都七十里界東安

李廣頂 在縣西寧化都七十里天塘內洞歐村路口

那康嶺 在縣西寧化都八十里天塘內洞路通東安險要

岡牌山 在縣西南寧化都白村一十里週二十餘里古有大緣寺廢至明天啓三年簡元符等重建改名延壽寺明末圯尚餘六祖殿一間燈心堂山 在縣西二十里有庵貢生陳文康建

茶山 在縣西南一十五里盤曲迂迴廣植茶竹有茶山庵貢生葉夢華建

大福山 在縣西南二十里羣山連峙廣闊平衍中有竹院山庵貢生陳賁建又左數畝有小寺右旁山有聚石庵貢生陳圖建今廢

穆渾山 在縣東南二十五里形勢盤桓有穆渾庵

化身巖 去龍山十里順治丙申邑舉人潘毓珩書化身巖三大字付僧眞唯勒石

香燈岡 在縣南去龍山一里許

袈裟石 在龍山初發脉分枝處形肖袈裟上有坐布紋痕及草鞋印跡六祖還龍山時曾憩此

三賢頂 在國恩寺後爲障山高聳峻峭峰頂圓淨三山並列儼若三寶並坐而特呪

左天王嶺 右天王嶺 在國恩寺後兩山高拔侍衛於三寶頂之左右面各朝中如護法

故名

多妙石 在袈裟石之旁懸崖瀑布下觸石坪水花噴飛激濺響應上有茅庵

昇子石 在右天王嶺大石之上有一小石在背若負子然

玳坑 由龍山左逸入一里爲玳坑山水清峭有呂仙庵邑學生伍應心建

韻谷 在縣南二十里木多山荔巖壑奇古邑學生馮範卜築其上

雲根 在縣南二十里有巖穴流泉之勝明末避亂士流棲集貢生簡兆元築雲根書屋以居

虎巖 在縣南二十里有泉石之勝貢生潘當亨葉宜高有詩

風門坳 在縣南五十里即裏洞嶺出入要路

貓爪嶺 在縣南五十里險要

王高尖 在縣南四十里朝南屬陽春朝北屬新興爲邑隘區

允河水 發源布辰石狗二處合流於允河村與通利水合

大穩河水 經大穩村逆上合流索水中有蠟石堪供清醮

三廟運水 發源那康嶺出河頭合流於洞口

高公喉水 在縣西南五十里自龍運出河頭

龍潭 在國恩寺後淵深無底相傳每風雨時光怪出沒與東河水隔山暗通自東水鄉民推石塞發潭遂淤爲湖田

今河水迭改此灣尙存

龍灣 在小南路東水坊即龍山三寶頂之後纏水離龍山十五里灣有石竇大小二竇其水從竇出與龍山後潭通流每有牛羊經涉入諸竇則出諸潭土人慮之堆石以塞今灣尙在拋石水中五邑采文具現

盥手池 在寺門之左佛骨入曹溪之後國恩寺屢塑師像弗肖相傳有一僧詣寺自言善此技舉手逼真既成辭去向池盥手忽不見云邑進士嚴貞詩浣手池開寶相花即此

覓窩灣 在縣東南三十里深廣澄澈游鱗競集

車頭湖 在縣北二十五里

布填湖 在縣東十里

分司前井 在城隍廟右

錦水井 在碧圓廟旁

龍興寺井 在縣北街龍興寺大門之內

夏院水井 在南城外舊夏院寺址

北門井 在縣北門外

天妃廟井 在縣西門外僅一里地中發泉清冽可愛

十里井 從石臼出清冽異常

獻村井 在縣北獻村二十里水泉溢出高於他水尺餘平時則澄澈可鑒每至辰未二時輒渾濁流水屑灰塵等物良久如常

列井 在縣署舊縣丞衙內今爲東園邑尹李超開掘源泉井發深闊倍常以供宅內朝夕及

園中灌溉之用

陽春縣志

望州嶺山 又名旗山在城西六七里屬南嶺

高百丈闊數十里列於縣治之西形如翬翼勢

極逶迤陟其巔望見一州勝槩

學前井 二口碑砌

城隍廟前井 一口

縣治井 一口在耳房庫之左

陽江縣志

雷岡 在縣北六十里

飛鵝山 在縣東北二十里

那龍山 在縣東北九十里

千金山 在縣西北五里

丹載山 在縣東二十里

潮平山 在縣東九十里接新寧縣界

丹台山 在縣西

馬岡山 在縣西

鷄籠山 在縣西一百四十里舊調神電衛指

揮一員以守之

羅黃山 在縣西一百六十里接陽春縣界

文筆山 在縣東南三里圓板甚銳明萬曆間

邑人工部李天培壘石以增之

皇清康熙年間知縣孫廷鐸拆去

劉仙山 在縣東南十里有石屋相傳為劉

王女墓按開平縣東白桂坪有南漢劉王墓

疊岡山 在縣東南十里

南樂山 在縣西南三十里

寮山 在縣西南六十里

鷄骨嶺 在縣西南九十里通雙魚城路多虎

南金浦 在縣北二里發源海洪山繞城北一

由潮麗一由觀光入恩江

沙浦 在縣北十里發源石龍山由石橋入恩

江

石磷泉 在縣東北二十里受官山之水入尖

山

木資浦 在縣東南五里受大坑及王母岡之

水出三合河由北津入海

綿羊河 在縣西南二十里受鴈山之水入蛟

龍灣

大墟河 在縣西南九十里發源梅峒山名丹

陽之水歷程村河口由豐頭入於海

織龍河 在縣西南一百二十里受梅峒之水

歷漂竹會太平驛丹城之水東出豐頭港入於

海

南洋 在縣南

東山泉 在城東一里東山寺左深二尺闊三

尺水清冽四時不涸

皇清康熙八年參將范明道濬

高明縣志

虎坑山 在上倉步都頂圓高一百餘丈覆三

里

絡馬山 在上倉步都形如馬又如渴馬飲泉

頂圓高百餘丈覆三里

冲霄鳳山 在大幕都高百餘丈形如飛鳳故

名

石人岡 在大幕都平曠中亂石叢疊成巉巖

突兀石上有廟懸巖有樹環石有洞幽勝可愛

廟前有石偃臥如人狀故名

新婦嶺 在縣西南四十里高出衆山數十丈

古傳有一新婦於此化為石人至今麻籃石磴

宛如

狗坑嶺 在縣南五十里路極峻險通新會運

道

慢頭嶺 在縣西南五十里路通新會

羅幕山 在楊梅都高二百餘丈延袤五里如

羅幕下有人居

譚官山 在楊梅都與皂幕山相連頂尖高百

餘丈

獅子岡 在楊梅都皂幕山前望牛嶺左突起

嶙峋大石百餘丈高形如獅子識云獅子拖毯

塞水口有鄉民結寨其上

王家山 在田心都西連天子山東連大肚嶺

有鉛礦強徒盜挖礦水流下傷害田禾

金鼠下壁岡 在縣東十餘里坐崇步都其形

如鼠舊傳所向之處禾粒皆空後鑿其背禾始

結實

龜峰山 在縣東四十里坐清溪都山體皆石

突出江畔西江萬里之水至此為大匯焉其麓

有蟹眼泉僅足升斗數人飲之不竭右數武有

犀牛洞可容十人明萬曆丁未邑人翰林區大

相御史區大倫建塔於其上

古壩水 在擔車嶺東繞古壩村流五十里入於江

泥涪水 出鹿峒奢山東入於河

三洲水 流分三支西接泥涪直而東北連羅

岸緩而流東趨碧岸深而濬乃會於都舍水

雲晶水 在大沙園內起自周屋海抵於深埔

口計稅十餘項先通判李敏派絕戶稅以此生

之

都舍水 接清泰倉步范州古壩諸水合匯於

此深而廣東人於海

恩平縣志

紫霞洞 在龍龜山一洞懸流自頂及踵忽巨

石高三丈許大稱之橫障洞半水從石嶺瀉下

若機絲然石前有巖中有池清冽可鑑數石

如砥出水面可供遊人箕坐修木千章陰覆其

中即酷暑非衣袷不敢坐巖北下兩山翼之爲

吳元良墳壘

碧雲島 去紫霞里許澗從石落高約二十餘

丈下爲池池畔有釣魚臺石平衍能容十人飲

仰觀飛瀑若捲簾然壁間時有五色虹文隱見

或曰龍光或曰日映也左上小壑曰謫仙宮薛

蘿倒垂如畫漿滴滴自苔落地前數步一石隆

隆負古木而起若雲屏然水折而東兩山夾之

懸崖絕壁莫可躋攀瀦澗而出十步一池輟池

輒石奇磊萬狀古木清森山花爛熳亭而寺之

當不讓乎石室

廣寧縣志

五馬山 在縣東一百二十里相傳有一寺以山焚飛來於山上有泉常溢不涸名曰天池高百餘丈

龍異山 在城北二里來龍所鍾盤踞異常故名

先峯嶺 在縣北四十里高百餘丈縣治登脈

本此

三櫃山 在縣東一百五十里中有一石長一丈廣稱之竹樹環合葉落輒掃去

黃蠟坑山 在城東二十里高百餘丈

犀牛山 高百餘丈

黃盤山 在縣東北三十里高二十餘丈

水槽嶺 在縣東南九十里唐羅隱南遊過水槽嶺渴甚鑿石得水書清涼池三字於上

破鐵嶺 在縣西北三十里高三十餘丈舊志未載

石壁硃書 在第八峒東五十里兩山對峙澗水滿泮激若怒雷層崖怪石中鑿羊腸一線週折少許豁一堂局茂林修竹依然仙境羅隱常經其處歷崖直上硃筆大書四字今猶彷彿

小益口 在城西五十里

金場水 在城西南六十里流至金場口入綏江

大良水 在城西南五十里至大良口入綏江

東鄉水 在城南三十里其源有三一出龍盒嶺經沙步墟合菜峒坑黃蠟坑流繞縣城之東

一出破鐵嶺流繞縣城之西一出金澤經黃坪

流繞縣城之南合流至東鄉口入綏江

九十九坑 在圓嶺山有九十九坑識云九十九坑還少一若還得一是名邦後縣令建得一亭山下

開平縣志

飛鵝山 在縣東三十里登名都地界

百立山 在縣南二里其形如旗綿互二十餘里高聳雲霄山生有白雲茶

鳳山 在縣北二里縣龍至北高峯而下前有烏石岡

德慶州志

岐嶺 在州西五里

都計山 在州東北五十里山之西有龍潭故老相傳云昔有仙人騎鹿遺跡

大廣山 在州北六十里四都高五百餘丈週七十里其形廣大故名山半有龍浮寺有紫竹庵全蓮庵有瀑布泉飛流如練長數十仞昔盧惠能欲駐錫於此不果常有霧海可觀焉

雲眉山 在大廣山之左山頂石上有巨人跡多馬跡有石室

瑞洞巖 在州東一百里悅城七都有洞窿然廣數十武中有石牀石舟等物深達里許向以地僻人稀未經名人物色沉埋於荒煙衰草之間方輿未及載耳因思天地有負質俊異而淹沒如斯者可勝慨哉

香爐山 在州東一百里其形如爐

鼎石 在州界郡志云有鼎石之神在江中隨

此為試讀，需要完整PDF請訪問：www.ertongbook.com

波出沒即赤松子煉丹處其側有赤松子廟
瀑布泉 在大廣山半飛流如練

小冷泉 在七把蓮石隙流出清甘可愛夏月
爲西潦淹沒

街口井 在城裏十字街一方汲之冬月不竭
開元寺四井 在永寧坊寺地四角今寺廢爲
民居四井猶存

譚公井 在城東壕畔夾以兩池其水視池水
常高冬月不竭

石獅井 在一都石獅村深不過二尺四時常
盈

夫子井 在都城李熙載墓前廣二尺深丈餘
水常清冷溢出病者飲之多愈稱熙載爲夫子
故井亦以名焉

封川縣志

蛾眉山 在縣西隔江

印石 在縣西與靈洲相對

大嶺山 高千仞下有馬背路係修泰兩圖人
來縣經由總道

青山 在吉橙村巉巖蔚林上有仙人遺跡

南龍岡 今設南龍營於此

景星峽 在登高左紗帽右中有澄潭亢旱不
竭

白沙磧 在白沙嶺江中

西江 在縣之西南源出黔之夜郎脉水合牂
牁東入廣鬱爲鬱江鬱即秦桂林郡也漢伐南
越使馳義侯發夜郎兵下牂牁會番禺即其路

也鬱水出廣源經潯邑者曰左江經柳慶者曰
右江合流東至蒼梧爲灘江即漢道歸義越侯
爲戈船將軍出零陵或下灘水或抵蒼梧即其
路也灘水出楚之零陵自歸安轉而南流與桂
林之水合爲桂江又南過平樂爲府江三江既
合東下廣信爲賀江賀水出臨賀郡至本邑與
鬱灘之水合爲西江東過康州出羚羊峽會瀘
星諸水而入於南海

深坑潭 在縣東南七里當兩山之中水清深
不可測相傳昔有軍人涸之捕魚見一巨鱷其
鉉耳可高出牛頭風雨暴至軍人皆溺至今無
敢捕魚者

蛟龍潭 深碧莫測似神物之窟也因名

猿嶺泉 詳猿嶺

東塘 即儒學塘在舊學前環城東亦環舊學
爲畝三百有奇

西塘 又名堰塘環城西即城之西壕爲畝二
百八十有奇

三角塘 在城南下即壕爲畝五十有奇

凌頭塘 在城北六里爲畝二百二十有奇

羅客上下塘 在儒學塘之外爲畝一百四十
有奇

龍蟠塘 一千四百畝有奇潛修泰一鄉九十

餘澗兩岸峯巒夾護一勝概也

渡口塘 二百五十畝有奇

石龍塘 在雙河村

開建縣志

石壁山 在縣北六十里羣峰削峻四時常有
雲色

白鶴洲 在縣西十五里常有白鶴集於其上
瀟每聚於渚中風晨月夕歌聲不絕

龍灣 在縣南舊傳龍灣深萬丈水中有土墩
起則邑之人才出焉

肇慶府部彙考四

肇慶府山川考四 水利附

肇慶府城池考

肇慶府關梁考一

職方典第一千三百四十六卷

肇慶府部彙考四

肇慶府山川考四 水利附

本府 高要縣附部

府志

附郭堤 亦名護城圍在東西河旁明洪武十六年鄉人李儒傑等增築運塘基長四千八百丈捍田五百餘頃嘉靖二十八年本府通判鄭元伯用石修砌二百三十丈下蒙基砌石四十丈謝家基砌石三十丈萬曆十二年知府王泮從暗寺岡開新瀝臨江劍躍龍橋先是瀝水從西來直下水基至此始南行入江萬曆十四年水大橋圯知府鄭一麟重修萬曆三十九年西潦暴漲諸堤俱決督府張鳴岡知府江中楠捐金修築四十一年堤決知府戴煥築復四十二年又決督府周嘉謨巡按御史田生金發帑修復崇禎五年知府陸鑒知縣張明熙於北郊寶月臺開新瀝達七星巖接舊瀝諸水出躍龍橋嶺西道左布政王道元捐俸董成之孝廉譚勝

祖督修

水磯堤 在城東三十里巖前都其地窪下每歲西潦泛溢則先從此漲入城北隅及東西廂黃岡漕灣陶山巖前桂林等都田塘皆沒明洪武初知府王全創築基圍長三萬五千四百丈中爲石竇以殺水勢堤內田塘七百餘頃宣德間知府王瑩復督民於基上培土一丈成化間知府王瑜加修嘉靖十九年洪水潦漲崩竇穴知府袁載知縣陳豫章督民補築萬曆四十二年堤決督府周嘉謨巡按御史田生金發帑金築復

新江堤 在城南三十里新江都明永樂三年鄉民莫以信等具奏築堤周三千七百餘丈內有溝七竇五永樂十六年以後三決宣德四年決魚梁竇及堤五十餘丈正統四年知府王瑩通判王傑隨田出貨布石一萬五千六百丈於魚梁油麻上下河分大埭五竇及湍水處捍田五百餘頃萬曆四十一年西水淹過堤上知府戴煥責民修築

頭溪堤 在城東四十里頭溪都明洪武十九年鄉人何志可等築捍田一百八十餘頃天啓七年堤決知縣袁儼責令民照稅築復

的村堤 在城東五十里巖前都捍田塘四百餘頃明天順年間決知府黃瑜督民修築

欖江堤 在城東七十里欖江都宋至道二年鄉人彭達甫等築高一丈二尺周三千七百丈捍田一百五十餘頃

塘步堤 在城東六十里水坑都元至正二年鄉人植成等築周一千三百餘丈捍田六頃餘橫查堤 在城東八十里橫查等都明洪武二十七年鄉人黃阿思等築周一萬一百丈捍田八百四十餘頃

豐樂大圍堤 在城東八十里依坑都東北連四會內圍桂峯寶查等八都田地塘一千餘頃明永樂間鄉人黃阿思等奏築後決成化間知府黃瑜弘治間同知張吉相繼督民修築砌二石竇以防水患萬曆四十二年復決督府周嘉謨巡按御史田生金知府戴煥發銀委三水縣丞張大龍督工修復崇禎三年又決知縣張明熙築復

皇清康熙八年又決知府史樹駿督民築修

金西堤 在城東百里金西等都宋至道二年邑進士黃惟堅築高一丈四尺周一萬三千餘丈捍田一千二百餘頃原設雙竇近因重建一穴稍小出水甚艱農人病之

金溪堤 在城東九十里金利都元至正元年鄉人杜必昌等築高一丈二尺周六千一百丈捍田二百五十七頃

范州堤 在城東百二十里范州等都元至正十二年鄉人白得清等築高一丈二尺周六千三百四十丈捍田三百八頃

柏樹堤 在城東百二十里柏樹等都元至正十二年鄉人鄧源遠等築高一丈周四千七百八十丈捍田三百頃

大灣堤 在城西南十里大灣等都明洪武二十一年鄉人聶敬昌等築高一丈一尺周一千七百五十丈捍田五百九項七十餘畝

羅岸堤 在城東百五十里親仁官棠都宋至道二年邑進士羅隱孫等築高一丈周一千二百丈捍田五十餘項

羅鬱堤 在城東一百二十里新羅等都元至正十五年鄉人徐文瑞等築高一丈周三千一百丈捍田二百五十二項左有白石堤中爲北港舊有港通倉步後湮塞潮潦兩隔士民病之明萬曆十四年知府王泮豁虛糧鑿置設門通

大江洩潦引潮名曰騰蛟太守鄭一麟繼之興建外閘以港口魚埠一十一步入港爲遶年築堤修實開沙用四十二年知府戴煊增築護堤

通港士民勒石尸祝王鄭戴三公於堤上

榕村堤 在城東一百里柏樹都元至正十二年鄉人劉平昆等築高九尺周三千丈捍田一百三十餘項明萬曆四十二年堤決督府周嘉謨巡按御史田生金捐俸委通判許學賢督工修築

橫桐堤 在城東一百四十五里赤勘都宋至道二年鄉人譚源輔等築高一丈一尺周一千六百丈捍田百餘項明萬曆四十二年堤決督府周嘉謨巡按御史田生金命照稅官六民四募工修築原有石竇二一橫桐一官竇崇禎四年知縣張明熙重修官竇引潮洩潦至今賴之大演堤 在城東一百五十里長江等都宋咸

淳八年鄉人陸原等築高九尺周八千丈捍田八百餘項又有南岸圍在馬鞍都閘窰圍在白諸都埔尾圍在古耶都院主圍在桂峯都黃埔圍在官棠都明萬曆十四年大水諸堤多圯總督吳文華副使王泮知府鄭一麟知縣蕭九章修復有修撰楊起元記四十二年復圯督府周嘉謨巡按御史田生金委官巡行修築

白牛陂 大磨陂 蒙村陂

大圃陂 九源陂 河路陂

蘇路陂 樟路陂 羅路陂

大响陂 矮岡陂 山田陂

蓬袍陂 九坑陂 陳孔陂

羅欖陂 大陂 三陂

底陂 按舊志不列所在故仍之

四會縣 在舟官都明永樂十二年邑人吳宗仁率衆修築長二千七百丈捍田一百九十餘項

隆復堤 在隆復都明洪武間民黃珪率衆修築捍田一千二百項正德間知縣方選重修

高路堤 在馬山都明永樂十一年知縣顏寶修築捍田七百餘項

大沙堤 在馬山都水竇二捍田一百餘項每年專官督修明萬曆四十四年夏大水堤決知府陳謨請於督府周嘉謨巡按田生金發贖銀五千二百八十兩大修

欖岡堤 在隆復都水竇二捍田一百餘項

白坭瀝堤 在隆復都明正德間知縣張思齊督民修築捍田八十項

湖响堤 在真山都明景泰間知縣楊漢督民開築捍田八十項

塘瀝堤 在社山都明永樂間民譚有寬率衆修築捍田七十餘項

白沙堤 在大圃隆湖都明景泰間知縣楊漢督民修築捍田千餘項

廖山堤 在馬山都捍田二百餘項

黃岡堤 在黃岡鋪明萬曆三十一年署印知縣胡從道修築

肇龍堤 在蒼峯圍高村鋪管

豐樂堤 坐末安村尾牛埠三鋪內包三縣田塘土名有黃田頭龍灣竹圍等處低薄

皇清康熙八年知府史樹駿督民修築

橫岡堤 在歐村鋪

姚沙堤 計二千九百餘丈文明萬曆三十一年衝潰知縣陳一元倡修三十五年復圯知縣彭名世復修

社圍堤 周圍一千六百七十餘步

牛牯堤 在大圃都廣寧界明萬曆三十三年知縣彭名世修復灌田三千餘項

黃村堤 在蒼峯圍知縣彭名世云白沙堤即黃村堤中有埔上曰牛眠下曰雲松明萬曆間知縣陳一元追佃銀修築黃村等處堤觀察使陳廉捐俸移助署縣知縣胡從道竟其役

田下堤 在清塘鋪蒼峯圍

新興縣

赤子城陂 在城南源自白蟻坑從西門入城

經西北街流出北郭灌溉附郭田百頃明正統

五年知縣雷晏築正統九年砌築新城截斷水

從坑出北郭不得灌溉田橋亭鄉民詣當道請

於洗河築陂開溝南門壕通井料村出北郭灌

田數百頃後隆慶戊辰同知郭文通以陂水界

斷縣脈督率兵夫自南至西用土填塞橋亭鄉

民復訴上辛未知縣鄧應平於東方開溝引洗

河水自南而東與北合故道仍舊灌田不缺復

得城中遠州水添灌橋亭之田倍收

馬巷陂 在仁豐都元至正間鄉人陳文廣築

灌田百餘頃

雲區陂 在延壽都明洪武二十年鄉民李仁

壽築灌田六十餘頃

羅馬陂 在照會都明洪武五年鄉人陳有保

築灌田四十餘頃

觀登陂 在照會都明洪武三年鄉人梁子斌

等築灌田七十餘頃

黃莫陂 在仁豐都明景泰五年鄉人梁克備

築灌田一百二十餘頃

社墟陂 在縣治東南二十里源自天露賢嶺

二水流至大河口合流築壑上陂灌田五百餘

項

陽春縣

上坑陂 羅鳳陂 石蓬陂 黃際灘陂 小蒯陂 文勢大陂 俱

在南廂

橫河陂 大江陂 俱在思良都

荔枝巖陂 埭塘陂 俱在順陽都

大塘陂 長湖陂 俱在南鄉都

和尚井陂 在太平都

陽江縣

北城堤 在金鷄廟前

麻濠堤 在城西南明正德八年參政黃順築

蓄水護城嘉靖二十五年知縣吳煥章砌石萬

曆八年再築

練達堤 在縣西南四十里高七尺長五十丈

外障海水溉田五十頃始於宋

北宿堤 近練達基始於宋明洪武初民關文

彬重修溉田十餘頃

洗脚陂 在縣東南二里源出大坑山蓄水灌

田數百畝

高明縣

大沙堤 在縣東十里元至正間羅塘田心清

泰楊梅上倉五都鄉人黃澤鄧德達築高一丈

三尺周四千八百九十六丈石資三捍田五百

餘頃明嘉靖乙酉決知縣陳坡修復而嚴氏則

言其祖嚴福因南海陳博民奏築十八堡鎮埔

等堤西潦衝激乃於永樂二年合五都民奏築

此堤非元至正也又舊志大沙圍內有雲晶水

起自周屋海抵於深埔口通判李敏以當絕戶

稅凡一十餘頃 石奇堤 即秀麗堤在縣東四十里元至正間

鄉民區敬之等築分上下圍高一丈二尺周二

千五百餘丈石資四捍田三百六十餘頃後基

址漸低薄明萬曆間督府周嘉謨許弘綱巡按

田生金王命璫前後發銀修築民德之立末賴

祠於右洲堤上

停步堤 在縣東十五里明成化間築高一丈

二尺周一千七百餘丈石資三捍田六十餘頃

舊堤多無稅建縣時官府城池街渠據民稅者

以坐於堤今皆隨田派矣

白鶴堤 在縣東四十里元至正間范州古霸

二都民築高一丈一尺周一千八百餘丈石資

一捍田七十餘頃明萬曆四十二年督府許弘

綱巡按王命璫以圩基低薄發銀修築崇禎三

年決民照稅辦料修築

小零堤 在縣東三十里元至正間范州古霸

二都民築高一丈周九百餘丈石資四捍田八

十餘頃

南岸堤 在縣東三十里元至正間古霸范州

羅塘倚步四都民築高一丈二尺周三三百餘丈

石資三捍田三十餘頃

進州堤 在縣東三十里元至正間范州古霸

二都民築高一丈二尺周二百餘丈捍田一十

二頃其堤小薄連年水決民自出料修築

企山堤 在縣東三十五里元至正間古霸羅

塘二都民築高一丈二尺周三三百餘丈石資一

捍田二十餘頃 菰茭堤 在縣東三十五里元至正間田心都

民築高一丈周七百二十丈石實一捍田一百一十五頃

綠葱堤 在縣東三十五里元至正間民築包田七頃同菰茭堤實出

倫埔堤 在縣東四十里元至正間田心都民黃澤築高一丈二尺周五百餘丈石實一捍田五十餘頃

蛤菜堤 烏石堤 鮎埔堤 俱在縣東三十五里三堤相連元至正間築高一丈二尺周五百餘丈石實一捍田三十餘頃知縣陳坡督修

石頭廟堤 在縣東南二十里元至正間清泰都民杜惟德等築高一丈長八百九十丈捍田三十餘頃

陶築上下二堤 在縣東二十里元至正間太平都民夏細奴等築高一丈二尺周一千二百餘丈石實二捍田四十餘頃

東坑堤 在縣東二十里元至正間羅塘都民築高一丈二尺周八百餘丈石實一捍田二十餘頃

鐵開堤 在縣東三十里元至正間羅塘都民築高一丈二尺周一百餘丈石實一捍田一十五頃

羅塘陂 在楊梅都明末樂開羅塘都民嚴顯等奏築鑿石爲圳水流二十里灌五都民田一百五十餘頃知縣陳坡重修

茅岡陂 在清泰都明洪武間築灌田一十餘

項 橋頭岡陂 在羅塘都明洪武間築灌田一十餘頃

墳前陂 在大幕都元至正間築灌田五頃明嘉靖間決知縣陳坡重修

石陂 在黃村都元至正間築灌田一十餘頃大陂 在黃村都元至正間築灌田一十頃

大逕陂 在停步都明洪武間築灌田一十餘頃小逕陂 在停步都明洪武間築灌田一十餘頃

仙村陂 在田心都明嘉靖間鄉民黎用節率衆建築灌田五十餘頃

荔枝陂 在田心二都康熙十二年田心孔堂等村合衆修築鑿石爲實引水灌田又名孔堂陂

恩平縣 早坑陂 在縣東五十里

陂口陂 在縣南三十里

凱岡陂 在縣北六十里

王陂 在縣北八十里

樓逕陂 在縣北九十里

聖塘陂 在水東都

新河陂 在縣南七里

欖醴陂 在水東都

石羅陂 在縣東五十里

淳水陂 在縣北三十里

曲水圍 在縣北八十里古有圍基以防潦漲

廣寧縣 黃蠟坑陂 在寺前鋪

三升坑陂 在官塘鋪

第九峒陂 在末義都

金浮圳陂 在平峒鋪

金坑陂 在寺前鋪

社峒村陂 在折石鋪

金場陂 在羅坑鋪

第五峒陂 在折石鋪

扶黎峒陂 在折石鋪

水坑陂 在程村鋪

羅墳坑陂 在新招鋪

新樂陂 在大圍

大良坑陂 在曲水鋪

長窩尾陂 在石岡鋪

水盆坑陂 在平岡鋪

隔水坑陂 在曲水鋪

扶溪峒陂 在末義都

黃田陂 在程村鋪

羅鑊口陂 在官塘鋪

德慶州 風料陂 在翰林鄉二都灌田二十餘頃

高車陂 在翰林鄉二都灌田一百餘頃

黃滑陂 在翰林鄉溉田八十餘頃

古龍陂 在翰林鄉溉田一百餘頃

蓬迥陂 在晉康鄉富豪里溉田四十餘頃

見村陂 在晉康鄉富祿里溉田四十餘頃
羅埔陂 在晉康鄉儒林里溉田一百餘頃
大陂 在晉康鄉清秀里溉田五十餘頃
大蓬陂 在悅城鄉西源里溉田五十餘頃
波花陂 在悅城鄉舊縣里溉田二十餘頃
牛渡陂 在悅城鄉富祿里溉田五十餘頃
大坑陂 在悅城鄉古袍里溉田五十餘頃
鎮康陂 在都城鄉溉田二頃餘
封川縣
田雷陂 在修泰鄉溉田千餘頃
冬良陂 在德寧鄉雙河村
屋顯陂 在修泰鄉溉田千餘頃
蓬流陂 在文德鄉蓬流村
林龍陂 在文德鄉藏村
大安陂 在羅寨村長流不竭旱潦無虞
龍陂 在滑石村溉田千餘頃
屋現陂 在大地村溉田千畝
巖口陂 在登田村溉田千畝
玉葉陂 在蓮花村溉田千畝
流邑陂 在思文村
六祖陂 在墟底村
高陂 在歐村
水聲陂 在猿嶺
陶家陂 在石牛村
花鹿陂 在石灰河
開建縣
大州陂 灌田八頃

石黃陂 灌田一頃
昭埔陂 灌田十頃
被頭陂 灌田二頃
巖峒陂 灌田五頃
圓珠陂 灌田十頃
似龍陂 灌田二十餘頃 以上七陂俱在開
江鄉一都
九旭陂 灌田三十頃
桂陂 灌田一頃
九原陂 灌田八頃
原斜陂 灌田十四頃
黎水陂 灌田十頃二畝 以上五陂俱在開
江鄉二都
野埔陂 灌田四頃
上漏陂 灌田六頃
沙牛陂 灌田六頃
姚田陂 灌田三頃
豐埔陂 灌田三頃
勒陂 灌田三頃
南耶陂 灌田七頃
熟脚陂 灌田六頃
鴨公陂 灌田七頃
羊梯陂 灌田四頃
石教陂 灌田六頃 以上十一陂俱錦衣鄉
三都
象原陂 灌田五頃
大林陂 灌田九頃

小林陂 灌田八頃
澄牛陂 灌田五頃
羅林陂 灌田三十頃
觀陂 灌田六頃
上黨山陂 灌田四十頃
下黨山陂 灌田四十頃
潛霜陂 灌田三十四頃 以上七陂俱錦衣
鄉四都
肇慶府城池考
本府 需要縣附郭
肇慶府城池 宋皇祐中儂智高反始築子城
僅容廟宇政和癸巳郡守鄭敦義乃築石城周
八百七十一丈高二丈厚一丈南臨大江西南
隅至東南隅三面遶壕各深一丈闊十丈周四
百五十八丈城開四門東曰宋崇西曰鎮西南
曰端溪北曰朝天明洪武元年江西行省郎中
黃本初來掌府事請加修築改宋崇曰正東門
鎮西曰景星門其後千戶郭純以城南隅濱江
用石甃河畔高二丈與城址並捍禦水患至今
賴之景泰間西賊屢犯鄉關知府黃瑜浚壕植
柵於周城之外柵外護以刺竹柵內環以敵樓
工畢而寇適至竟莫能犯成化元年城上增置
串樓八百一十間自是防守不患風雨三年冬
建披雲樓於城上西北四年建南門樓五年建
東西二門樓及四隅角樓又議拓北城至靜明
寺會水災不果後叅將楊廣建北門樓十一年